

夏生齋詩續集

卷三之四



07685

更生齋詩續集卷三

匡廬九江集

又六月十七日侵曉由涇縣東門至晏公堂道中作

木綿花綠渚花黃一頃芙蓉白露香誰把燕支染初日
未明先挂郭門旁

十里亭邊暫駐鞍積籬茅屋足盤桓新收一斛桃花米
却綱溪魚勸客餐

由問津處上台泉山

平塗行廿里徑路忽峭澀峰勢如墜險與額相及陰
厓盡犀利飛鳥難伫立天風吹其間空處恍呼吸雲頭

更生齋詩續集卷三

一

皆上聳似作上天級橋危劣難步如鳥側身入龍爪怒
作花排空攫人急每于盤折處偏有怪蟲蟄經時方出
險與客天半揖秋聲陡然下涼雨入衣褶落月下北岡
亭亭尙如笠

由石山菴上峰頂升望江樓遺址遠眺

涉江苦憶山上嶺復思水爰生天半巘直下忽無底高
低青萬疊一綫碧云起山房時隱現半陷石潭裏幽客
尙早眠窗軒綠如洗茲峰望休歛鳥道亦百里只怪鷹
隼低穿雲飛不駛無嫌瘦筇瘦且陟毀垣毀崇禮闈縱
輿靈光殿仍歸危梯久無檜紫繡纏葛藟想見夜半時
延緣上山鬼

尋雲門及大士厓諸勝

石腹裂一丈森然出雲門陰厓黑如良雲氣驟吐吞倒
挂百尺蘿絡此松石根上與青冥交下嚙雲水紋靈蛇
穴其中濕霧亦暗噴秋蟲語寥寥似欲驚旦昏斜接大
士厓石頂已盡髡峰峰儼負展石石悉戴盆小水大水
濼犍牛駮牛犇莫訝石質頑或者靈性存我行思少休
檢此峯頂蹲坐久語默忘泥衣曝朝暎

三台池泉石既奇松竹亦茂日午坐此久憩

地脈不上透飛泉出三霄淪漣條已清雲霧亦暗交履
石石盡虛伫足恐不牢居然諸峰低承此飛瀑高百竅
悉作聲玲瓏響如簫雖非東西江疑有子午潮宵分龍
氣升豺虎不敢咆遂令半里中不宿鷹與鶴一石儼伏
龜東西跨成橋我從石梁來至此意亦消况有諸仙人
相隨共遊遨酌茲成霖水分彼雨勢驕明晨歸山窗看

足龍雷塵

時正午
聞雷聲

訪台泉書院故址有襄亡友劉編脩汝暮

劉曾主講于
此屢爲言泉

石之勝二十年來山長皆假
萬縣城不復至此是以傾圮

世間俗士不愛山蹤跡苦戀塵埃間丹房玉井任傾圮
老雀弔影行空壇當時築廬本迢遞橫舍初開佛樓廢
讀書燈比長明多夜半光景連星河山腰別作藏書庫
書帶草香堪避蠹尋常不接遊客蹤雲朶往把雲門封
君不見江公作令劉公客

時讀壁間江太守恂碑記書
院卽太守宰縣時所建也

此事迄今纔瞬息蓬蒿填徑蘚塞窗雨洗斷碑餘一尺
鬱孤峯前路鬱盤雞犬倘復思劉安山僧怪我善登陟
屢引竹杖穿頽垣卅年興廢何可算獨雀仍爲老僧伴
天風倒挂百尺藤却藉枯枝絡頽岸

二更乘月歸縣

不覺雲門宋秋蟲響一山乍醒孤枕夢來歎老僧關竹
暗藏危巘燈明下澀灘荒城烏鵲好迎客卽飛還

吳生行爲昌言文學作

我來涇川已三月儒流幸有趙左陳

謂紹祖訓導及明
經趙孝廉寶泉

問誰健筆最凌厲近得吳子眞畸人吟壇有爾一夔足
遠軼萬巨兼汪倫開元天寶好風日可惜二子無遺文

更生壽詩續卷三

三

我疑謫仙縱遊日二子僅足撰杖兼攜尊遂令謫仙人
揮灑秋與春目空四海無等倫若使此人早在至德以
後大厯以前上追高王岑下伍卽劉錢豪驗痛飲縱不
及謫仙酒亦可半斗詩可五十篇青蓮先生有畏友白
日不敢吟成顛桃花潭上花光妍一唱一和三十年汪
倫萬巨拍手笑放爾高歌作同調我遊台泉山苦憶李
供奉日午山房惜無夢回頭視吳生詩已過十紙我與
青蓮生恐皆不如爾我爲吳生行兼寄陳左趙才人學
士一時少君不見山中猿鶴何足道送爾高飛出天表
向趙司訓乞酒

丹鳥紛飛白鳥喧空堂坐到曙星懸子雲亭畔無樽酒

嬾向牀頭更草元

已飭平頭漉酒杯
觥船聞向隔江回
君無更寶連城壁
惹得秦人舉國來

正欲遊水東
適吳別駕台至先爲言
山水之勝並約便
道過蒙竹山房
因率成長句投之
兼酬枉贈之作

吳會

官湖南通判乞假歸

我遊水西憶水東
苦乏地主難追從
今晨始復值判府
告我家在藍山中
門前一水曲折通
窗外萬竹何璫瓏
藏書手校五千卷
鑿牖四面通疏風
山經地志嗜成癖
早有萬古蟠心骨
時時得蹈古人踪
腕底傾寫如長虹
羨君綠髮青雙瞳
眼光透紙已數重
班生鄙生蹤跡苦

更生齋詩續集卷三

四

未到目驗得不輸
吳儂篋中聞製涇水考
與我所見將無同
大藍山當官道衝
興到竟欲馳青驄
瀏覽勝蹟追仙踪
我慙衰謝已非昔
足力尙足欺龍嵒
山靈待我亦已久
留住一頃荷花紅
荷筒香可作酒筒
一飲已過三千鍾
翩然飛下丹頂雀
爲我侍立之青童
遊山奇福一歲得
再逢

春半遊天台山

卽此可傲天寶大厯諸名公

我遊欲借雙茅龍
世人不相知謂我白日跨
雨工昔時南江流

過此乃挾涇與桐東
流到海忽已竭
遂使懸溜之處飛
枯蓬中江水涸
由臺濛不知南江之塞
昔日誰加功
搔首我欲咨蒼穹
新涼日昨墜短篷
秋燕不語鳴秋蛩
芙蓉莫莫花好不來醉
江上待放秋芙蓉
坐君竹屋飲君酒
碧

月正好光簾櫳臥遊三日苦未醒山頂飛下辰時鐘欲
別徑爾攜孤筇花徑十里不遣蒼苔封意所欲到思騰
空君不見蒼梧九疑連祝融入百里水磨青銅洞庭君
山龍所宮君昔宦此何雍容歸興忽爾如雲濃驅浪萬
斛浮艤燿東江時有北渚鴻鼓翼昨下南高峰遠寄一
札何怔忡綠袍金簡促爾覲南岳切莫青弋江上久作
垂綸翁

初八日夜雨後作

雨聲疎欲斷枕上月華生獨客醒殘夢新涼入二更芙
蓉生靜渚篔簹響秋城愛此閒中味牀頭句復成

吳家宗祠宋太平興國二年梓樹歌

更生齋續集卷三

五

一枝老幹八百年諱語出出壽轉延前歲樹出火自根
燒燼其一枝

株雖老葉仍嫩四出勁枝如布陣年深力厚色益蒼花

色紅白占雨暘花紅卽早白卽多
兩土人以此占歲有時一歲兩舒萼土

俗競傳花吉祥吳氏科名盛日
樹或一歲二花五株青蔥一株槁槁木

猶擎黑龍爪排空欲攫五色雲裂穴尙生三瑞草稜稜

四月花無數誤認田家紫荆樹土人誤呼
爲紫荆樹呼名旣使巢

雀驚復恐南山特牛怒老夫曾讀種樹經細辨榦葉分

根莖太平興國二年植可匹萬歲通天琴孫村汪氏藏
有唐萬歲通

太古琴屢約往觀君不見南遊歛嶺東涇水植物靈奇孰逾此

欲繪南方草木圖程家紅豆歙縣岩鎮程氏園紅豆一
株大蔭數畝亦宋南渡時

所植吳家梓

吳通判招飲于菴竹山房酒後復至沙岸步月四鼓乃返

千竿綠竹裹一房竹外十里飛天光天水盡處雲爲鄉
白雲英英時入抱不住窺人竹中鳥座上玉山齊欲倒
圓日乍落半月生更向竹外飛千觥竹影攔客何縱橫
三更出門四更返遠向長隄陟危阪白鷺笑人歸太晚
山房一枕忘曉昏蟲響塞砌風填門涼月影浸詩人魂
十一夜宿菴竹山房

一亭千琅玕一砌萬蟋蟀琅玕影已重蟋蟀聲不絕忽
然孤枕畔飛上半圭月秋夢甫欲成蟪蛄帳中出

十二日浣花亭聽雨

更生齋續集卷三

六

一亭四面山潭水出其側清晨來聽雨醉醒到日夕猶
欣松竹外沙鳥如素識客正喜看山潛鱗出窺客

吳孝廉文炳屬題友人所贈詩畫長卷

英夢蟾前身畫師今必傳張問陶飲中仙人詩亦豪吳
錫麒法式善南北詩人一時選久別吳嵩梁近見伊秉
綬一一讀君詩一一思我友君來乘竹輿君去攜竹杖

一路到門溪水漲明晨擬欲趁早涼墨妙來看成親王
君近得文待詔楷書長卷成親王爲跋其後

十二日自茂林至古溪潘村登文昌閣晚晴後村人招

飲景范堂作

古谿谿水何彎環一閣正面齊雲山齊雲山頭雲尺許

散作千家萬家雨雨絲迎客到茂林雲朵導我來幽尋
秋林百尺秋聲早一閣三層出林杪承流山外雨腳收
閣上夕陽紅不了栽松作柱柏作榱柱裂一縷穿春雷
三月中有雷從閣下
起裂東北一柱乃出頗疑閣底怪龍伏雷斧劈處山爲
開春雷輟響秋雷起宴客仍從雨聲裏東溪菱粟西溪
藕更煮溪流作春酒主人愛客客亦豪百罰深杯亦何
有二更月出酒半酣約客散步來溪潭君不見盃輿睡
足客夢甘谿月從我歸谿南

十三日雨中宴含暉閣

十里灘聲四面山好花多處掩層關青天窺客竹牀上

白鳥結鄰沙岸間復性書從愁裡著閒情句向夢中刪

更生齋詩續集卷三

七

沉沉夜色蕭蕭雨不到三更客不還

土人喜
著書

白水東宿二水山房先至桃花潭上縱眺

事隔千年夢亦勞獨來潭上看雲濤謫仙與我同寥落

徹盡從前宮錦袍

涇水南來日夜流小樓剛嵌水南頭

山房有一樓余
以酌月名之三

更潭上秋雲白我欲呼君醉此樓

初更後雨止月出復泛舟至桃花潭夜半乃返

桃花潭邊月欲華放艇忽若乘仙槎順流半里卽一曲

曲處正放秋桃花踏歌茫茫客誰見桃葉桃根恍迎面

汪倫古冢喚不應

洲上土人傳
有汪倫墓

剩有采雲飛片片墩名

磊玉岡采虹帆轉面面丹山風山風回盪月初綠盡掃

雨脚歸長空潭中赤鯉魚岸上白鷺鷥吹殘日綫吹雨
絲對客飛舞偏多時君不見千餘年來雨遷客魚鳥可
憐皆素識一樣承恩宮錦袍酒痕墨污無顏色縱然袍
污無顏色落筆奔虹尙千尺多少川程與陸程待君詩
與江山敵我亦生還感
主恩獨遊疑屬再來人三
更潭底呼明月恐有當時舊酒痕

考溪書塾小憩

活潑田千畝清冷水一灣更看雲外嶂知是歙州山有
屋皆依岸何人此閉關醉君三百盞仍棹酒船還

浮田歌

浮田百頃平如掌千尺水流三寸壤下有泠泠水聲響

更生齋詩續集卷三

八

山農以爲地游魚以爲天下層魚蛤中層田上者復蓋
蒼蒼烟一風低吹萬畦動穉稔連雲壓魚重仰食禾根

抵魚俸雙竿作翼身何輕

農人播種時腋下拔兩竹竿不則有沉沒之患

種地

恍種天邊星穀食顆顆如星精雁來紅與雞冠赤
有雁來紅等名上確人誇好顏色不是世間煙火食山農一歲

皆倍收米可十石魚千頭米作常饌魚爲饅閒觀我忽
發深慨百年桑田會須改此亦人間小滄海

月下經澀灘

三門六刺流何急下水澀灘真不澀鷓茲鷓夾欲趁人
十里路長飛不及

十五夜乘月自考溪放舟經澀灘九里潭諸勝二鼓仍

抵桃花潭上醉中作卽呈同遊諸君子

明月忽在左，明月忽在右。麻川南來合，舒口一灘前。已去一灘後，復來潭折九里何。紆回纔經澗，灘西方飲考。

溪酒時考溪村人餉酒及饌

煮得空潭尺，鯉魚狂思十丈蓮。花藕

帆檣險切雲霧過，口渴我欲吞天河。樽前一人爲我歌。

青衣陸郎善歌

激得怪響生，山阿却思此夕真。何夕滿墮秋空

月輪碧，東坡先生攜二客七百歲前遊赤壁。

東坡遊赤壁在七月

既東坡居士青蓮生，我疑皆屬星斗精。赤壁之鶴長江

鯨何不乘興來遊行，冷江風起江波小。

江上夜半輒起風土人呼爲冷

江月亦愈增顏色，皎舟人呼客客不聞座上玉山先醉

倒

二水山房酌月樓夜坐

一水分二水，三更入四更。無人共斟酌，飛雨入飛觥。

十六日由竹林菴久憩復渡舟至水東飲翟氏宗祠卽

席賦呈一律

茅庵久駐夕陽紅，更挂飛帆入水東。載酒船皆尋賀監

空村人出看蘇公，遙山氣結三層雨。古屋涼生百尺桐

多謝諸君能醉客，新晴歸趁渡頭風。

雨霽自落星潭上藍山

藍山新霽後，飛瀑下如龍。引客一雙鷺，扶人百尺松。古

懷殊落莫，石屋暫從容。又復蕭蕭雨，前峰翠益濃。

宿聳碧禪林夜半大風雨

空山風轉如轉石石勢何能與風敵僧房正嵌石嶺邊
巨石下壓幽人眠有時風轉石亦盪無數雨聲來灑帳
五更風止眠始安枕上突兀生奇觀君不見落星之石
石已黝何日上天重作宿

夜半雨止起至寺後看飛瀑作

山房一枕勢喧喧無數秋聲閣上懸偶趁半圭殘月影
獨來巖上看秋泉

十八日自桃花澗浴飛瀑行三里許望放歌臺以水阻
不得上

我攜一壺酒欲上百尺臺山神久已厭狂客深恐李白
今重來遂放百道泉噴此日午雷奔流十里流溯洞高

更生齋詩續集卷三

十

處又復遮蒿萊我謝山神莫相惱我才非仙量尤小昭
昭赤日可作保山神聞之已深曉他日來遊屣應倒
落星潭

人傳東晉時漁父見落星道元采傳聞遂以注水經至
今空潭中雲氣日夕青我來面空潭憇此山半亭誰賒

黃金鮓

潭古出佳魚
土人名金鮓

佐我白玉觥天星憶地星夜半潭

上橫我吟龍潭詩要與龍子聽

聞劉少司馬躍雲子告歸里却寄一首

此福真難及

君恩賜鑑湖乍看拋笏冕纔敢憶葦

鱸卿相兩傳久

君爲大學士劉
文定公次子

田廬一寸無誰將去官

日清節繪成圖

自桃花潭回案頭祝嘏詩已盈寸並承諸君子合觴我
于試院之冰鑑堂因率賦四章報謝兼酬朱司訓煥
吳茂才昌言枉贈詩數

自著漁蓑輟荷戈一句連日醉巖阿銜杯李白愁何少
伏鑽張蒼幸已多梗斷總疑身泛海瀾翻仍覺口懸河
諸君貺酒兼貽句一字須傾一巨羅
少年意氣劇縱橫百事如今寡一成東海客從西海返
出山泉抵在山清纔看甲子逢初度轉向庚寅憶始生
檢點年華要行樂秋風昨夜到江城

憶綰承明侍從班邇來蹤跡慣看山遊完五嶽纔婚嫁
官到三天合退閒蠟屐甫收千嶂外蠹魚同老百城間

更生齋詩續集卷三

十一

侯芭倘欲探奇字盍待先生靜掩關

四座欣看疊舉觴感君略一述行藏平生友誼惟東郭
少日師資是北堂齒老祇堪同犬馬墳荒終見上牛羊
諸公遲暮先愁死畢竟還輸賤子狂

舟過桃花洞

枕上青山過萬重桃花巖外水溶溶偶然清響激殘夢
猶是水西菴裏鐘

江上逢舊友

江干逢故人半里手卽招橫風吹來舟忽已隔石橋橋
東橋西路雖遠風急仍將語飄轉

八月初五日夜舟過采石獨遊太白樓作

人說先生在上頭一樽挈得便來遊
慙余亦有千春業
輸爾高居百尺樓
曾走萬程同小謫
更遲十日已中秋
闌前好插雙紅燭
照此空江入海流

石湖申月歌

東橋月西橋月碧玉瓊瓏串成玦
前石湖後石湖星點
歷落鋪成珠珠光初稀月光賦
倒影射天天作地全湖
何止波影涼江海蒼茫貢清氣
謫仙我本天上來曾向
桂闕時徘徊
寂清涼夜寂圓月不飲亦可傾
千杯一更
延回至二更
天水與月初分明
吳孃雙槳捷如馬
一一
儼向空中行

簫聲

隱隱墮閣頭
帆影紛紛出湖口
君不見星光月影何零

更生詩續集卷三

十二

亂玉忽同珠結成
串三更歸夢過虎邱
十里水光飛不

斷

題戴土舍延介除夕遊山圖

一片千人石
年除半客無
偏君攜好友
來此訪浮圖
酒
滿屠蘇
賤春生煮芋鑪
詩成誰可質
鬱壘與神荼
嬾魚歌爲周上舍綵賦

太湖三萬六千頃
至少十萬漁人船
君漁獨以嬾爲號
得暇偶亦漁于淵
高低老屋傍澗阿
胯下時復喧湖波
盤旋不必出門市
鱗鱖鯉穿厨過擡頭
縹緲峰涉足
消夏灣君漁旣嬾
常閉闔庶幾鈕山人
玉時復同往還
登君之堂把君盞
快食君魚羨君嬾
三更飛夢出北窗

去訪靈威丈人返

鈕太孺人撫孤孫圖

孤蓬少歲苦無根憶愛皤皤黃髮恩今日畫中瞻大母

依然同撫外家孫

余少孤育于舅氏
最受外王母知愛

包山雜詠十二首

綠楊灣

雲從西南拋灣向東北拗拗得一港魚齊飛入山島窟
分援樹獺竟欲升木杪想厭魚味腥狂思啖山鳥

歸雲洞

朝朝送雲升暮暮望雲返山雲何不歸白日忽已晚頗
聞雲數朶怯此三折坂七十有二峯此峯雲獨嬾

石公山

我登石公山石石悉不讓石公同石姥不叱石無狀遂
令高下勢分占南北向或者開闢初此山先倔強

天風峽

俗名風衙

天風走下天一峽束之住山神張口嚙風伯赫然怒風
威纔欲肆山鬼倏扃戶石石態可憎稜稜齒牙露

大龍渚

石石欲上天石石倏去地凌虛纔半尺肩闕脰偏細全
湖三萬頃吐納此厓際時有五色雲神虬吐奇氣

消夏灣

已過寒露期灣尙號消夏蓮根與蓮葉此景最宜夜西

風回地軸林葉欲全卸鳥趁缺月飛移巢苦無暇

明月坡

三更全湖青缺月吐暗白暉暉斜映水光不逗山脊魚
龍以爲朝鷗鷺以爲夕各各逞厥奇蒞蒞孰能識

連雲嶂

直石高百尋橫石長半里峰頭排怪石一一作城堦連
峰無寸罅何處悟石理三面着欲完生雲嶂中起

林屋洞

足拖一澗行背負千尺石石奇皆壓頂水澗尚沒級身
危沙礫裏四面仍束濕隱隱聞大聲疑逢老蛟蟄

翠峰塢

山青欲斷處積翠膩一屋山靈惜空翠圍以深澗綠疲
蹤眠石上暝色下古木啄木時一聲酸風注空谷

雨花臺

時晚桂盛開

半畝金粟田馥及四邊巷山深饒露雨花色浮淺絳橫
枝入禪窟直幹依法幢夜眠桂子香成團月中降

三山峽

時以築黃河堤需青石官符鬪山幾徧

昨聞河流衝殃及具區石芙蓉青萬朶一一遭斧劈奸
民藉官符鬪及蛟蜃域三山渺然愁鐫殘水中脈

廿三日自石公山至林屋洞遊畢乘大風度湖歷三山

峽龍山諸勝抵東山綠楊灣宿

莫釐峰頂仙雲笑三十三年容重到不訪靈威訪石公

居然白髮稱同調，竟攜風雷入巖壑。欲與蛟龍爭奧窔，
鷓茲一隊隨行跡。蝙蝠四邊磨孔竅，崖根曲折頻穿屐。
石筍玲瓏尤礙帽，洪流倒射肩先濕。白刃橫排足能蹈，
山外無山境益奇。穴中有穴形逾峭，鑄鑿一一疑神鬼。
對峙明明挺犀豹，千巖日月埋光景。萬古坤輿抉靈奧，
奇書縱向九地埋。逸客來承九天詔，要攀玉柱升元闕。
端坐金庭讀真誥，更無祕笈與開先。只有龍威識神妙，
空中似有山神迓。幽處疑聞水仙操，書攤七二峯頭曝。
旨抉五千言，外要盤渦夜色昏。同墨出洞明霞赤如燒，
銀濤復歷胥江口。赤日欲斜神禹廟，千重鼓浪身如寄。
十里浴山首，猶掉帆檣。歷歷斜偏整衣袂，重重濕難燥。
柑香難療遊子飢，魁芋欲煮仙人竈。離波十丈鷗先訝，
入峽三層童甫報。升巖屐響如飛，爆過嶺燈光恍原燎。
須臾一陣狂飈滅，穩待四更殘。月照全湖蛟蜃齊出波，
激得山頭客長嘯。

初三日生日自壽

朝簪脫後髮慵梳，落落人間老荷耒。心識開天遺事古，
詩編元祐罪人初。淵明詎肯閒情累，叔夜終慙涉世疎。
誰佐先生生日酒，滿籬黃菊滿園疏。

是日初曙山輿從離垢菴至石門久憩

山雲出山我入山，相與覲面山前關。山關直上復三里，
正見山坳白雲起。雲根斷處露石門，流水一折仙凡分。

山人據石洗雙眼九月水尙春泉温山頭一月晴陽爍
對嶺飛泉僅如勺回頭正欲眺下方一片白雲蒙市郭
徐明經雲路爲余寫巨區濯足圖綴以三絕句

鬢邊已帶天山雪足底猶餘瀚海塵洗向太湖三萬頃
分明波影認前身

水雲涼入一絲絲明月坡頭夕照遲白鷺怪人箕踞甚
亦拳一足看多時

種來金粟滿閒街時有濃香撲客懷正向危橋曝雙足
夕陽紅已襯芒鞋

白雲洞

石門旁邊白雲洞偈仄四山圍若衝四山丁丁樵斧衆

五生齋詩續集卷三

去

人聲雖微斧聲重攪得乖龍臥初動九地九天飛惡夢
離垢菴

離垢菴中水無滴一月山人下山汲下山盤盤百千級

白雲雖鮮晴不濕關牖偷將露珠挹空裏靈虬忽呼吸
清芬閣

鑪香隔宿燄初微瘦骨憎人鬢影肥窗外水光都不看
黃庭讀罷寫靈飛

蘋香館

唐園南去水雲涼一片蘋花十里香莫向靈虛問消息

月中仙斧劈人忙

隱括
本事

得伊太守秉綬書時聞于役海上將往訪之先寄一首

萬程與我同嚴譴半道偏君荷

主恩

特旨乍寬金齒戍羈魂猶入玉關門仍看五馬臨江渚
復感雙魚下使轅投老相逢各如夢且從海上泛清樽
贈僧默可

背城三十步四面水雲澄似出人問世來尋物外僧徑
留前代薜塔隱隔宵燈何止談空好詩參叡上層

九月望日西關水榭看菊雅集主人出歌姬度曲爲壽
卽席賦贈一首

古岸西頭竹結鄰已涼天氣忽尋春半坡秋水三更月
百種名花一麗人時有細香穿曲榭不妨疎影替橫陳

更生齋詩續集卷三

七

歌喉串串圓如豆頻惹衰翁酒入唇

待風凌江閣口

仙人已值上清宮時閣中道士
已入直天壇門閉蕭蕭葦荻中曝得

白鷗秋夢破蓼花紅外夕陽紅

揚州登文選樓

隋唐開選學曹李各名家一郡人材集茲樓歲月餘戶
通金屈戍城傍玉鉤斜此日南州彥誰堪號五車

九月十九日偕汪布衣鯤江秀才藩林上舍鎬至平山
堂北萬花村訪菊率成五絕句

兩年頻到萬花村衣上分明舊酒痕枯得岸東楊柳樹
小樓當面見朝暉

平山堂北水雲寬一晌西風送早寒胡蝶翅黃花蕊紫
白頭人倚玉闌干

節展重陽天展晴過江客亦展行程雁來紅外秋棠底
畱聽寒螿三兩聲

東西各歷軟紅塵共向邗溝話昔因吟到白頭江令句
時汪君誦其少日所作對酌橋西舊酒樓一絕余爲擊節者再悲秋纔了又傷春

肯從物外事幽尋憂樂相關鬢雪侵閒與古梅商出處
早春顏色後凋心

焦山贈張上舍峯

四十詩人張夕莽別開小閣蒜江南秋林萬葉紅如海

蠟展閒從醉後探

更生齋詩續集卷三

十一

荷戈人在夕陽邊

張君曾爲余作萬里荷戈圖極佳

宛馬如龍不著鞭

欲貌洪濛萬年雪別施輕粉寫祁連

張司馬鉉介其弟上舍以台蕩黃山及匡廬詩見質并

先爲言香爐瀑布之勝率贈二篇

松寥閣底話斜曛已夢鑪峰頂上雲欲挈天台赤藤杖

與公同訪武夷君

名山處處不相逢君住支硎我翠峯

君後一日遊支硎時余已抵東洞庭

矣閒話鑑湖千頃月海門剛打成時鐘

峇松寥閣僧海峯

桑下曾畱三宿蹤剪蔬摘果話從容門前萬斛濤如沸

不礙山僧左耳聾

月波臺晚坐待月

一山初沉一山出無數好山銜落日殘陽欲墜星點橫
人定月向山腰生斜陽殘黃月殘白涼暖樹頭分頃刻
神魚拜浪豚拜風相與出沒波濤中松寥山深漏聲遠
夜色忽從鼉背轉鷗茲鷺鷥隊不全鷗夢却與江波圓
贈方丈僧秋屏

下弦殘月叩禪關却喜枯僧去已還

時秋屏亦適從刑上歸

黃葉

亂埋京口渡紅雲昏擁海邊山雪中鴻爪行誰定壁上
蝸涎句可刪尺五浪花爭出沒野鷗何似野人閒
待風半日獨至山後望松山寥山久憇

風急仍爲半日留嬾居山榭泊江洲鷹同獺占東西嶺
浪與人爭出沒舟沙點亂埋樵客脛雨絲時落野雲頭
茫茫北望眞無著隻影先隨大海浮

雨止行山後

茅菴何似講堂閒挈杖寥寥自往還翳得秋林萬黃葉
兩中行盡北頭山

舟過黃天蕩作

舟人競說黃天蕩一點風無三尺浪清晨棹出沙漫洲
似向大壑中間浮天青四下垂無地龍氣直衝霄漢氣
殘蟾欲墮曙色升一點棲霞影波際西來采石東金焦
沙漲都欲連州橋尋陽九派自天落惟此一折喧驚濤
千餘年來發深慨南江中江不歸海麻姑何暇笑滄溟

此亦桑田屢遷改四瀆合兩瀆三江成一江近聞淮與
河日夜相衝撞勢必合此江淮黃巨浸險欲無南邦昔
時揚子橋今作揚子渡中流一日值北風徑指最高峯
下路東沙漲與西沙連土人歲歲爭洲田天公亦似患
人滿時闢龍館開人煙風帆直上眞如箭夢裏皖公先
覩面蕭蕭瑟瑟枕上聽萬頃蘆花一行雁
泊舟儀眞城外喜晤蔣表兄馨

曉泊眞州堤偶憶素心客濛濛雲氣外呼僕落帆席經
秋不相見頗喜好顏色爲言人事改升斗未嘗得羈孤
同旅雁辛苦爲謀食故人今賃屋住我小樓北歲晚尙
過從斜橋雪盈尺

更生齋詩續集卷三

三

晚泊棲霞港望最高峯追悼詩僧慧超

晚泊棲霞港茅菴不斷鐘四更殘月影一抹最高峯苦
憶三生客驚枯六代松古碑何日立墳墓已全封

時已
爲寫

墓碣屬焦山僧
秋屏立于此山

雨雁

一行江北雁冒雨過江飛乍掠漁郎浦來尋燕子磯煙
雲圍矮屋蘆荻作秋衣却恨梁禽返餘糧不共肥

雨中望幕府諸山

遙天十重雨曉止下三重別有七重霧分埋南北峯墨
光圍鳥雀寒氣裹魚龍夢八仙山裏愁雲影亦濃

卽事

空簾吹雨絲日出飛鳥外雷聲驚屋角電影收亦快驚
心秋已盡溽暑尙難退青霜何時零白鳥仍作隊冥冥
天北際一角又全晦坐久夫容花成團與相對

舟中讀黎明經簡詩跋後

黎侯遺此一卷詩令我十日讀不止兩龍入海鱗甲青
風雀按天翅翎紫平心似嫌今古速快意復恐塵寰促
狂思三萬六千歲歲鶯花不重複又欲身代東王公
妻代西王母

君有贈婦詩極工

雙成采鸞指使不得休一侍臨

書一温酒筆下似有千條蛟一百萬匠爲鐫雕樓臺窗
牖無一世人式更就四瀆駕起五嶽爲長橋茫茫昧昧
信手題落筆時瘦時仍肥肥若鼈足瘦鹿蹄冠苔衣蘇

更生齋詩續集卷三

三

襖燕藜立志不用雲霞衣黎侯四十南海頭五十我返

西南陬馮

敏張錦

昌芳趙

希符

李皆素識獨汝一面終無由

昨來入我夢對面識不得眼如落月黃面若春雨黑鬼
光人光離一尺人光欲前鬼光匿我不畏鬼爾畏人或
者我尙饒精神若論萬劫名不改我卽爲神亦慙鬼黎
侯黎侯爾何在乃使東海奇人畏南海

泊三山值大風

三更東南風忽復轉西北吹得稜稜樹豈只枝枝葉葉
風已刪老榦不與巢相關宵分獨雀往復還白月白飛
丹頂丹蒲牢身從五更吼一寸嚴霜雪同厚西梁山北
起阜雕作勢欲拍潯陽潮

偶成

伏几偶有暇卽欲思幽尋豈真好遊山藉以消壯心古
陰惜分寸我轉惜瞬陰卽此一瞬中足抵千萬金昔人
去悠悠白駒逝駸駸頰仰卽今古悲歎何能任

少壯倏已過惜此垂老期垂老何所爲程功日孳孳不
惜心力疲但恐歲月馳晨編映曙光夕簡隨星輝不作
無用言冀以酬所知丈夫處衡門會有藉手時冬窮春
復生仍將事東菑

古來明達人頽仰無所忝劉生旣枕戈原伯甘伏劍明
明晉荀叔不使言有玷大都忠與孝一往無轉念尙計
利害深中裏定多歎

更生齋詩續集卷三

三

林禽珍羽翰志士珍心肝心肝亦區區義憤所鬱盤一
朝恒鞅擢韜以七尺棺甯充虎豹飢不作狸鼠餐栽松
作墓門立栢作表垣狸鼠已遁逃虎豹尙踞蹠驚看蓬
蒿中挺出青琅玕

蕪湖與友人別

抗手不得下持爾一杯酒挂席十里行酒杯猶在手北
風吹酒酒色寒酒面淚落紅闌干江魚張鬚歡迎容紅
淚茫茫落魚額

五鼓江行

漏盡潮升落川岐路渺茫誰言五更短已夢百年長暝
色爭雅黑蟾光門葉黃半宵忘世事心與水雲涼

卽景

山禽攔客夢不使入山垆白鷺復遮客招邀入遠行半
程風轉急一客臥初醒永夜歌天問寥寥燭影青

舟中望九華山

名山一例青青色此獨活餘山仍貢翠漬及林與樾蒼
然纔破曙光已燭天末濛濛紅樹影一一厓上突江行
連日夜面面看凹凸一峯一藪萼九嶷九仙骨連天雲
作被匝地叢生額陰厓排五老眉宇各超忽青看一峯
顯青復一峯沒眼底青甫完意中青鬱勃

紀夢

夢中得三四兩語因足成之

記泊樅陽郭外洲偶然飛夢越洪流一山花影一山月

更生齋詩續集卷三

三

大海盡頭天起頭

將遊巨廬先柬九江太守方同年體二首

我爲陽羨書生老君比江州司馬尊南下似隨彭蠡雁

西來不汚庾公塵一麾出守隣同輩雙屐看山剩此身

豈是折腰吾最嬾品題花月要閒人

會試同門存者五人四皆出守

離家頻覺鬢毛添所喜無人責米鹽事外更休譏阮籍

酒中今已得陶潛三衲四嶽遊曾慣九派雙江跡未流

別有繫人清夢處香鑪峯頂水晶簾

江行過太子磯

九派茫茫內居然時一拳磯同開母石波作濯龍淵文
體尊當代家聲拓再傳無由致虔謁風緊峭帆懸

遙謁昭明太子祠

百里遙遙接馬當，祠門開處見穰陽。一家詞賦同前魏，半壁江山啟後梁。初地自銷兵燹劫，選樓應築水雲鄉。我來鄭重握衣謁，六代文章一瓣香。

華屋篇

人居華屋從無百年自歸山，正歲時綿綿綿綿之樂勝于華屋日入崦嵫而出陽谷，出不必喜入不必悲。任天而行，我何預爲？我不食肉，何以得辱？我不飲酒，胡顏之厚。東溟益深，南山益高，今我不樂山川獻嘲。

二蟲篇

惟蟲有蠶衣，被海內。惟蟲有鼃網羅，同輩一含生氣。一具殺機，雖同吐絲，趨向本岐，鼃不殉網，蠶則殉繭，報施明明，善惡奚辨。

舟泊古廟灣

秋水灘頭已上星，半間茅廡足居停。碁枯漫算千年劫，廟古猶餘一歲靈。沒字碑欹誰刷墨，長明燈燼尙含青。山僧到老仍無識，諱說神局說佛局。

舟過大雷口

席捲江南雨，隨風入大雷。鵲聲飛若箭，魚浪蹴成堆。書向閒中寄，帆從夢裏開。商量看匡阜，潮已九江回。

江行值雨

飛雨若挂席，欲落仍未落。一席入江南，先驚暗郊郭。停

杯無頃刻疊障已垂幕洶洶雷拔地凜凜龍嘯塵行經
六百丈風勢益開拓欄前竄鷗鷺竿上攬鷓鴣今夜一
葉帆應從何處託

望建德諸山

東流南下數坡陀建德千峯夕照多風力乍剛舟底軟
不妨穿浪共魚梭

大風不得泊舟偶作

茶餘正欲思午臥惡浪如山枕邊過案頭挈一卷書
船自低昂客安坐此來愁水兼愁風閒把碎事咨篙工
江潮初落客亦慵夜夢已上香鑪峯

初六日蚤舟過馬當

余以癸卯年自
秦中回道出此

更生齋詩續集卷三

三五

二十年前客重來過馬當樹猶同我瘦山亦笑人忙詞
賦今誰健煙雲昔已蒼好風如許借明日抵潯陽
舟過小孤山以風利不得泊率賦一篇

我從金焦逆浪西吉陽黃石皆危巖忽驚天半落高髻
目所見者茲尤奇藐然獨立天水際奇在四邊無附麗
山僧居山五十年知有青天不知地寰中落落殊寡儔
只有砥柱居河流一排濁浪一清漲河伯海若都難讐
君不見天門山亦江心柱畢竟傍人門戶住一岸于湖
一厯陽縱然離立難軒翥平生最薄樓君卿五侯盛日
咸饋鯖朱門散後亦潦倒低目俯首隨人行茲山特立
眞吾友面面相山舉杯酒一拳俯瞰卽東溟數點蓋頭

惟北斗宮亭湖接桑落洲明日合上潯陽樓眼中餘子
尚千百一笑誰伴匡山遊飛帆欲落仍未落風利應知
不能泊香爐峯頂客復回蠟屐商登最高閣

是日晚泊舟金家灣回望小孤山作

潯陽南岸小孤濱似畫江山月色新大地亦浮何況我
北風如吼欲飛人微茫檻外蒹葭雁檢點樽前笠屐身
語笑漫言冬序冷圍爐活火試燒春

初入匡廬山

清遊速凌晨客夢已如昨初途遵新塘青氣溢城郭我
我匡廬君雲外已飛落雙峯挺奇峭五老散杖絡自此
嶺萬重皆從筍鞵拓豐隆霹靂車虛放輓轡騰騰巖爭
奮迅劈嶺益錯愕蒼蒼意何居于此震虛橐衫裳旣全
委援狷殊可搏天風莽回盪大氣自蟠礴南瞻隘衡湘
北望小潛霍盟手告上眞茲當作南嶽

過西林寺飯并望香爐峯拜經臺諸勝

一峯雲中欹一峯雲外礙峯峯隨意轉各各逞向背思
窮且晝晚看徧頭腹背天門有時敞地穴或全晦峯巒
頻出沒日月驚破碎杉奇超觀記崔壽迷世代臺疑捫
膝坐客亦聳肩對餘山千萬頃青翠都割愛靜看香爐
峯雲煙起爐內

由石門澗日昃抵報國禪林宿

清晨出城南日晚宿山半江城望茲嶺不啻出霄漢甯

知天地高俯此若童冠三層雲霧接一谷羅綺煥橫峯
支危檣直石立削岸翠雨屋上飛清泉竹中亂空明禮
星斗齋肅手先盥回看斜照沒始覺來路斷時有五色

煙山僧夕將爨

寺前一峯俗名帆竿石

凌晨自錦澗橋登峯頂寺歷觀天池文殊臺聚仙亭諸

勝

一綫蟠十里危崖接青冥初陽尚未升甫落頭上星濛濛
濛萬重山盪此天宇青危樓揖高真頰厓瞰滄溟茲爲
天帝居何止仙人垆東西兩香爐拱此若闕庭窗軒偶
然開雲霞條已扇一勺水倘嘗百日醉亦醒窮冬十月
中花木尙散馨回途戀清暉十步亦九停仍登凌虛臺

更生齋續集卷三

毛

題篇謝仙靈

從天池至佛手巖久憇并尋訪仙亭白鹿升仙臺故址
一拳危支天一掌狼孽地何年巨靈手劃此天地際巖
潭毛孔潤松竹紋絡細眞同指南針南向指銛利瞿曇
三五輩並就掌中憇周圍風竇裂高下雲液膩森然排
玉爪曲折走青氣名泉試清冷石屋訪靈異廊長無燕
雀鷹隼亦齊避却望北出峯居然掉肩臂

過黃龍澗抵黃龍寺宿藏經樓

一山千長松松古悉垂瘦森森諸異木松外復高挺青
蒼莽回互亂沒衆山頂疲蹤投傑閣無異入窅井高寒
信難居烏鵲已無影森嚴繡佛藏蕭瑟豈人境須臾半

圭月南北逗光景東行倏回躡西望仍引領天籟時一
鳴如同漏聲永閒房燒栢子襪被尙奇冷夜半天池鐘
泠泠發深省

度橫嶺至棲賢寺

寺外卽龍潭
及三峽橋

十里及橫嶺十里及古寺雲霧影乍開龍雷響齊至千
巖束一澗至此忽奔恣朝赧紅紫冒夜壑蒼翠漬驚茲
百盤溜時墮九霄翅巨石不畏天排空儼吞噬三門倒
翻軸五老順排次停驂遲輿夫奮袂入亭隧荒荒堆梵
篋一一藏舍利寺僧出舍
利見示偈言盈四壁所苦涉詞費潭
虛目尤眩石墜項驚避籃輿百千折直下苦無地陟險
望始驚空潭走龍氣

更生齋詩續集卷三

天

秀峯寺看飛瀑并久憩白龍潭夜畱宿七佛樓作

門前三峯肥屋後兩峯瘦空青幾層撲濃綠萬重繖如
論形峭拔前嶺實輪後洶洶何隆隆絕頂出懸溜目眩
耳久驚心清齒先漱何年滄海水走入此巖竇千春恣
飛灑一滴不滲漏光明成世界終古同且晝危厓旣圍
合衆壑亦奔湊雙瀑合一流千絃恍齊奏尤驚飛練白
襯此巖石黝平生耽勝賞似此實奇觀伏枕夢亦驚蛟
螭帳中吼

過瞻雲寺憩晉王右軍書堂復至寺後五里訪玉簾泉
繚垣長萬仞古木聳千尺匡山諸古剎此寺最雄特東
山名士舍西域化人宅毫枯先作冢硯澗尙畱墨頗聞

千葉蓮仍帶筆端黑玉井穿地虛金輪亘天直憑虛揭
簾旌躡實訪泉脈波光醒塵夢鑑鏡照疲容世去總不
停菴茫判今昔吾宗恣游戲壁有宋黃庭堅及
吾宗洪芻題名彼教耽
宗滅題此釋藏名聊同勒厓石

廬山道中雜詩

古寺東西入望遙兩枯僧塔傍溪橋天池長老忽飛去

一臥居然十二朝

釋慧持開天池後卽雲遊羅淨入古
木中至宋政和中復出見徽宗所贈

偈四

半晨先已陟峯巔便有空江落眼前高下草香三百步
上天梯子軟于綿

託鉢臺前劃界松東西虬幹指空濛懸厓直豎八千尺

夏圭壽藏卷三

无

下有白雲藏白龍

黃龍寺外千章木異種都從西域來只我亦畱衣上翠

萬松穿盡入輪臺

萬松塔在巴里坤入
烏魯木齊要道也

紅紫千條翠一條窮冬猶勝百花朝棲賢寺外三山峽

五老招人過石橋

七佛樓前夢未安十三月墮四更寒支頤碧玉闌干上

看足頗黎世界寬

籃輿七尺臥如船行客無端傍逝川百轉千回總難住

愁看一道出山泉

九點匡山九點煙縉殘祕笈詫飛仙何時五老超塵劫

白鹿居然早上天

歷盡潯陽至阜陽看山看水一旬忙宮亭湖上三更月
人與魚龍徹骨涼

日日禪燈傍法幢籃輿行倦入吳艤此來怪底歸袞富
九疊青山九派江

十三夜乘月登南康城樓卽贈周明府吉士

城古逼雲根茫茫九派吞渚沙搏左里湖浪脅南門一
郡風聲峭三州嶽勢尊使君清興好先此肅離樽

時明府餉

夜宿星子行館

星子山城小寥寥六百家一軍營孔道五夜起悲笳佛
火烘簾冷仙山入夢華忽忽雪鴻爪淺又印湖沙

更生齋詩續集卷三

三

抵白鹿洞書院

名山尙占師儒席不作西來選佛場奏艸我欽唐諫議
傳經誰似漢賢良四朝石墨圍吟几九派江聲入講堂
白鹿已仙元雀去藥苗猶與客爭長

周明府陪游鹿洞供帳甚盛率賦一篇志別

松杉開合洞門幽白鹿仙蹤逝不畱只有使君真好古
遠陪謫吏一來遊平生志節慙槐里絕域文章號柳州

正是耳空心寂處眼中百道出飛流

明府柳州人

十四夜遊白鹿洞乘月至鄣嶺村宿

身離九峯雲尙帶九峯月九峯明月鎮隨人伴我清涼
寺橋歇潯陽南岸宮亭左佛火參差雜漁火離觴兩日

苦不醒枕畔零星砌山果此行山水都已經明日欲詣
琵琶亭庾公樓上一盃酒夢裏飛帆出湖口

十五日五鼓度吳鄣嶺

忽覺白雲白蓋此青峯青回頭五老亦不見惟有濤響
搖青冥玉盤未墮金輪早一片黃金顏色好半晌天風
霧掃空九峯端正排雲表鳥飛不過人徑行鳥與人鬥
腰身輕嶺頭濛濛蔭松立正面復與匡君揖

登九江城望琵琶亭

事隔千年夢未完青衫紅淚尙難乾休憐商婦舟中老
絕勝明妃馬上彈一種琵琶成絕調九秋蘆荻響空灘
無邊風色無邊月輪與征鴻冷眼看

過湖口望石鐘山

久聞湖口縣欲上石鐘山薄暮風差緊清蒼嶺未攀大
聲和月御淺夢逼雲還只有檐鈴好終宵欸客關

十八日守風華陽鎮因步行二十里至雷港訪倪進士
模卽席賦贈

十年京國悵分攜遷客行踪恐久迷小艇到逢圓月上
故人人家在大雷西眠遲頻剪風前燭話舊驚聞夜半雞
我住匡山已多日新詩欲向草堂題

兩宿倪氏雷岸讀書堂兩夕

廬山九朶雲化作江南雨欲挂東下帆北風殊未許

秋江夜泛圖爲估客題

江寬紙窄四十里一點帆從荻中起洲形北指如旋螺
曲處仍藏萬頭鯉萬頭鯉上萬點鴉中有茅屋漁人家
開門新月已半斜紙上隱隱吹清笳一人科頭一人裸
更有一人斜撥柁秋江盡處煙樹青似有山鬼行伶仃
獨松行在宣城灣汜土人名一顆松

村人導觀一顆松歷盡千松總難見忽然濤生絕壑底
瞥爾一松生對面岡周百步松千步松矮如人爪森布
松身既矮難上天八地根株莽回互面東不向東岡出
矯首欲逐西馳日松身雖青爪牙赤爪得夕陽紅似血
此松曾未五百年偃臥已學高人眠蟠根尙再百餘歲
逸榦已出涇江前石人峩峩當道左指地云銷地中火
地火屢災田禾土人斃石人壓之陰陽生尅理或然左右一望皆平原
此松旣獨石亦獨足底東西走黃犢君不見客行足繭
千山中臥穩欲學蟠根松我呼石人石不語一响松青
落如雨

跋蘇文忠公遊廬山詩後

青蓮四十九甫謁匡廬君子瞻亦卅九始擷廬山雲我
齒逾十年天闕亦竟臻鴻鶴雖遠揚麋鹿亦可羣青蓮
違今時條已千餘春庶幾三謫仙配此五老人

黃崑山

茲山何嶽寄積勢走百里山腰圍萬井如墮土囊底高
寒林木少秀乃出石理中峯尤塹絕曲折不升履森嚴

回地軸劣傑配天體排空日月燭似出山腹裏青氣被
一山峯峯淨如洗玲瓏圓石竅時有怪雲起黃田暨丹
谿分踞石腹尾破曉鐘一鳴千扉豁然啟

十二夜同人至丹谿步月久憇大石山至二更甫歸時
陳孝廉寶泉已醉臥矣

半石出水半石沈人坐半石聽鳴琴谿聲如琴響不絕
忽復千步同幽尋青松何肥客何瘦月露洒衣衣覺皺
石梁頽處徑欲窮却有危磯入波湊人聲旣宋燈影遙
笑語總向松間飄穿松入竹途誰辨倏忽出林人影見
橋危魚貫甫得過倒影真同一行雁初更出門歸二更
百步先已聞呼聲君不見客行不愧陳驚坐如虎鼻聲

堂北臥

更生齋詩續集卷三

三

自方山脊西行二里許訪胡孝廉琦種松書屋卽上山
頂久憇仙人石歸途復至孝子祠看古栢率成長句
一山土戴石一山石戴土一山土戴石益奇巨石中間
劈雷斧有時土斷石欲浮石復戴石同昆邱怪君詩筆
最森峭五岳盡立君牀頭門前片片山雲落屋後松濤
響如瀑君家山好不出門松自成林石成谷六客踞坐
一客眠一客欲去松蘿牽松身離石更天矯拔地竟欲
摩青天閒中七客忘言久靜煮山泉當山酒閒披一卷
石上詩時閱孝廉黃山詩奇石頗能點頭否離松閣栢入路岐
歸路正好沿丹谿更闌客醉月亭午入夢松身栢身古

登石巖山卽贈寺僧心一

黃崑山陰接翠濃上坡雲樹已重重孤僧似否支離在
一石先成縹緲峯澗水盡頭藏兩寺夕陽多處飲千鍾
時鼎獨
石飲酒醉翁醉後頽唐甚竟欲肩隨五老松

丹谿九頭松歌

一株一頭合九頭頭悉欲向雲中浮三頭稍卑六頭仰
似向松身分少長頭頭高出一指東眼底直欲無高峯
排空時轉日月燭力厚竟能回地軸虬枝欲上仍未上
四下天青若垂幄年深歷盡冰霰霜笑問九老顏何蒼
飛泉時挂千尺練冷翠尙蔭三重岡茫茫歲月奔馳速
材大偏教臥空谷過嶺灣頭尙有聲入雲枝榦都無曲
何時得值丁令威化作老雀仍來歸君不見溪風蕭蕭
月皎皎夜半驚聞九頭鳥

看月作

一飲歷四時自午遂至酉不知迎門月待客亦已久人
生何時不可醉及睡可惜當頭月相待山山浸入白玉
盤松竹都同月中桂煮泉不足思煮冰酒及三斗茶三
升狂來欲上最高嶺月正當頭天壓頂

乘山飛來石

一拳奇石壓山巔作勢雖高未傳天只我尙非皮相客
此峯應號肉飛仙雲頭乍落驚棲羽松頂初平出爨煙

已覺上坡行十里欲從高處望黃田

乘山寺

有東西二房

山半招提好東西各掩關酒香團作塢雲氣合成山澗
吐流泉賦杯浮落照殷恩恩客歸去誰似老僧閒

飲中入仙石歌

山頂有巨石甚奇圍廣一畝同人攜酒飲其上却得
入人爰名爲飲中入仙石作歌邀同人共賦

乘山石大皆如屋此石尤奇生使獨飲中却復得入人
危坐石上開清尊酒人欲醉眠難起一萬峯巒生脚底
上窺天頂下俯淵頭上壓酒星跨下出酒泉天影淡淡
泉涓涓山前十萬人家好幕地席天看數老酒人旣醉

更生壽筵卷三

壹

天亦愁恐有奇篇壓山倒玉山樵客醉欲顛

謂胡孝廉琦

有鳳石稱頑仙

陳孝廉寶泉不能登陟卽坐石上以待

餘者盡向峯頭眠

俯觀頌經臺踞視飛來石玉屏風外霞色鮮更訝石城
雲半赤銀蟾未上金烏西十里山轎忙如飛吟成一篇
傾一斗又醉德星堂上酒

新豐柯村謁忠宣公祠

文惠公弟八子棟始居柯村今舉山前後子姓已有
萬家特邀余往因爲畱一日乃別

六百年來此謁公冰天雪窖記曾同人傳蘇武居匾脫
我逐張騫事鑿空

公所至乃漢時北單于道余出口至伊犁則呼韓邪南單于道也

九

死未忘酬

主德半生敢說有宗風，葛仙嶺畔祠堂好。一樣溪山入

畫中

杭州西湖亦有忠宣公祠，與此並擅山水之勝。

望舉山作

舊說尚書塢

五代時有洪允章尚書隱居于此。

今成開士居，結茅千載

冷入室，一燈虛。

山半有祖燈菴。

黍谷陰森似，冰天涕淚餘。崇祠

對峯頂，雲尚結穹廬。

題明仇實甫山水畫冊

畫師想復寫鄉關，一片閒雲互往還。絕似館娃宮畔路

幾陂春水幾堆山。

同人遊大幕山久憩圓通菴

青浮大幕小幕綠，接前溪後溪沿灘。偶颺花鴨隔岸時

聞錦雞

更生齋詩續卷三

三六

女牆風色乍黑，官道雲光已昏。明日欲來看雪，此宵且

莫扃門。

二十九日冰鑑堂曉起看雪

尋常水西山，宵半忽無色。重衾擁幽夢，門外雪盈尺。莓

苔三四畝，先被浮霰奪。清響墜竹中，前宵雨畱滴。堂深

纔破曉，凍羽競垂翼。周行檐宇下，冰柱礙冠側。空館無

炊煙，泠泠走空白。

十二月初七日雪喜涇縣胡世琦朱暄兩孝廉過訪

凌晨開西軒，一白屋脊突。奚奴驚拍手，昨夜五更雪。門

前三里路無徑，可出沒陵陽。暨昭亭，憑高門空潔。尤喜

素心友今蚤來可必茅柴酒雖淡飯以柏山栗故人方
出戶雪已斷來轍呵手復掩門高寒坐終日

雨中編校左傳詒作

鳩聲入夜聞呼婦麟史編年起息姑一十二公如轉瞬
又看于越入勾吳

十一日同人攜酒至南樓小集月上乃返

一城爆竹聲已覺冬月末冬窮臘斷客不回且向南樓
眺斜日松聲柏聲合一灘樓北正面昭亭山閒街絕少
行客迹飛雨亦逐斜陽還西南不斷雲霞色酒燄燭天
天亦赤斜陽纔了新月升不使青天片時黑一樓酒客
傾百觴宿鳥亦復憎人狂閒中搖樹鵲驚起突出睥睨
臨空翔眼前百輩誰能及一石飲完仍著屐初更行到
西郭門臥對南樓數階級

十九日北樓寓館招同人爲蘇文忠公生日設祀偶成

四絕句

謫居嶺嶠尙難回甲子筵從海上開只我幸同華表雀

冰天雪窖已歸來

東坡六十歲
尙在惠州

大蘇赤壁遊何壯小謝青山景尙留公募謫仙仙慕謝

一生低首此樓頭

觥船眞可敵風稜不怕檐前尺五冰招得東鄰數詩老

戴吳興與沈吳興

謂沈沾霖戴
大昌兩廣文

我距公生七百年望公總不啻神仙惟餘一事公輸我

明日歸耕陽羨田

時卽日東裝回里

官村阻風

相隔一百里年殘尙阻風
凍梅香未逗爆竹響先通積
雨巖中綠斜陽影外紅
商量醉司命先在小橋東

小除日邀吳封君端彝莊徵君宇遠趙司馬懷玉上舍
球玉蔣少府廷耀昆仲至卷施閣祭詩作

孔融北海尊常滿謝客西堂歲
小除百首尙憐無傑作

今歲得詩四百餘首

一年敢信有傳書

歲內作六書轉注錄比雅及弟子職箋注等

殮不覺羅吳楚

頻日浙西北饋食物甚衆

里巷居然集顧厨聞裏

轉教忙不了小廳昨日有梅舒

更生齋詩續集卷四

陽湖洪亮吉著

徑山大滌集

丙寅元日

甲子才周歲復遷衰翁又值丙寅年身經荷戟投荒後
夢憶懸弧委巷邊近市半生頻徙宅孤兒卅載總呼天
太宜人棄不孝等已三十年今看檐外春無恙醉向屠蘇席上眠

卽事

一縷香浮半畝煙偶然清夢落尊前不歸燕子乍來雁
類日見燕子破例江南正月天

丙寅新正將遊餘杭大滌山回至湖上訪破迷小顛諸

更生齋續集卷四

老衲先柬三首

只有青山好能供白首遊誰憐雙繭足曾歷萬峯頭酒
滿詩先得天空海自流更尋塵外境老衲與勾留
衰翁何所好蠟屐并攤書作客欲終老還家逼歲除古
懷同石臥青眼向梅舒商畧屠蘇飲門前自翦蔬
罷官無寸祿興發卽幽尋却喜遊山費時來諛墓金偶
同雲去住不共鯉浮沉好勝仍如昔誰言白髮侵
憶謝園訪友不值

新年新月影舊客舊書堂木佛依然臥山僧何處忙天
空喧衆籟地冷結名場只有黃梅樹猶餘臘底香
夜渡鶯脰湖

一舟出浦復人浦漁火時斷時仍輝殘星不隨烏鳶沒
野叟獨伴牛羊歸叢祠久已絕香燼土偶豈復留餘威
舵樓夜半忽長嘯一客四面魚龍圍

舟過嘉興

掉得蜻蜓艇子忙半程先過語兒鄉東南秔稻收偏足
雁齒船排兌白糧

迎春花

迎春開早于梅送臘去迎春來山茶爲姨水仙姊睽視
辛夷妹桃李九十日春從此起花花都作黃金色却買
春光到南陌頭搔碧玉花黃金堆鬢美人方稱心引春
纔來花已謝不願春人與聲價十五盈盈不會嫁迎春
花倘策勳合向花裏稱花神君不見迎春欣欣送春惱
富貴花開春已老只有茲花得春早

濤頭

濤頭忽起釣魚磯海上樓船逐浪飛無賴賊驚隨處是
有心人覺近來稀看花易墮尊前淚掇篋仍餘短後衣
匹馬願從楊僕去未妨白髮佐戎機

放歌四首

老烏三足鼈六足分挽天關回地軸茫茫天地雙飛走
已勝媧皇補天手鼈足何必斷烏翅何必垂天地藉爾
爲安危君不見黃人青女究何苦汝與乾坤本無補
側聞三千年必出一始皇燒却無用書六籍方煌煌又

知後聖心本與前聖通若辨千年一火攻前聖後聖書
雷同馬遷書既焚復出太史公枕中祕既燒又當有王
充淵雲枚馬代不乏何必後者皆拙前皆工

又疑天下事此絀彼必伸梟獍之惡補以鳳麟皇哉唐
虞嗣子朱均倘非曾參孝已善事親亦必不出食蹠鳴
鋪冒頓兼商臣吁嗟乎乾坤不測始乃神

冥冥蒙蒙沙蟲倮蟲閉以混沌開以鴻濛臬乎混沌時
天地亦有終山崩川竭卽與人死同奈何人反學不死
其意欲使天地皆無功我謂不如朝千觴算百鍾遺骸
委混沌元氣歸鴻濛死而能樂卽與不死同目不知有
洪厓生浮邱公

更生齋詩續集卷四

三

元夕西湖泛雨雜詩

春氣初蘇臘乍回孤山梅蘂未全開探春卻笑春人早
兩歲皆先燕子來

得閒聊訪定中僧伴我湖樓次第登明日段家橋上坐
隔城遙看萬枝燈

元夕城隍山燈火甚盛

梅枝何瘦雪何肥似夢春陰拍警衣尋徧六橋無一客
鷺絲鴻濛接天飛

瓣香相約祀文忠落落星辰此數公

謂梁侍講同書何徵君琪吳祭酒錫

騏項州倅

只惜丙寅元旦日喪他六十七詩翁

潘侍御庭筠以

元旦日謝世

年六十七

撩湖兵撤已多年蘋葉紛披荇葉牽莫笑此間清淺水

枕波十里有桑田

水仙開後放山茶霜霰初消有露華最小園林最低屋
參差都有出簷花

一舟如葉浪成堆風勢驚看水面回引得船來復飄去
湖心亭子是蓬萊

幽明都喜說元宵燐火先從水上飄却待四更人語寂
厝屭鬼出走三橋

補插千枝楊柳煙湖堤北去水黏天南屏峯下鐘三杵
惹得魚龍夜不眠

望湖樓上偶傾觴冒雨重登選佛場願得一年春事好
折花來奠水仙王

更生齋詩續集卷四

四

霜松雪竹影參差隔歲枯荷尙滿池一塔春陰半宵雨
漲痕先入白公祠

歲朝纔過別鄉關且覓湖頭一日閒應被在家兒女笑
傳柑元夜不曾還

元夕偕何徵君琪華司馬瑞潢吳祭酒錫麒項州倅墉
汪上舍淮戴比部敦元何文學元錫望湖樓小集

望湖樓上坐暝色亂縱橫烏眩燈球影魚驚爆竹聲水
雲歸晝舫火樹隔山城七客延回去余仍盪槳行

今歲孫上舍振學九十趙兵備翼八十吳上舍騏七十
其弟上舍彪五十趙司馬懷玉六十汪上舍燾吳大

令階並五十將以二月二日合宴于更生齋并招將

及八十之孫封翁勳楊刺史奎吳封翁端彝劉總戎
烜將及七十之陳大令寶金太守榮將及六十之楊
兵備煒方大令寶昌同集十四客合計千年亦里中
盛事也率賦此章并邀座客同作

社公生日茅筵開相約北巷南鄰來大年期頤次亦叟
一一同傾社公酒更願人同社公壽孫翁九十兩頰紅
八十趙叟顏如童吳家兄弟誰能及弟已五旬兄七十
街西短趙風格妍六十與我相隨肩辛夷花開玉梅放
坐上高年氣仍壯永嘉柑子支硎梅螺蛤昨又來東臺
更生齋接卷施閣一石飲完愁不足金楊兩守楊蠻州
入坐如虎元戎劉誰復善嘯誰工愁孫吳兩封翁主人六一

更生齋詩續集卷四

五

翁後身今歲適開六一樽坐上客壽剛千春一堂英英
皆壽考九老外仍餘五老此會羣仙亦應少春燈初燃
春燕來明日主客帆皆開吳大令及余皆以明日東裝更約明歲傾
春醅君不見社公生日耆英會此會年年願長在社公
醺醺亦微醉屋外春燈響如沸

泊舟餘杭訪張大令吉安

江漲橋邊路官塘卅里斜縣憑山作障人以水爲家晝
靜喧鳴蛤城空門乳鴉欲尋賢宰話剛值午時衙

張大令畱飲衙齋并觀社火

欲向名山信宿回賓筵先爲散人閒何應琴雀棲遲地
忽見魚龍曼衍來蹤跡敢尋忘世侶艱難今見濟時才

聯吟讀罷增惆悵

時閩大令在京邸時與張侍御問陶聯吟卷子

手寫新詩寄

栢臺

雙谿鎮道中

出郭三十里桑柘多於苗豈惟民俗淳塵土亦不囂側
聞蠶繭荒絲價日已高秋禾亦半收哀鴻尙替替民力
匪不勤奈此生齒饒一戶加十丁粟米亦易消殷勤望
豐年先祝風雨調籃輿及黃湖陰晴判崇朝

自黃湖渡大谿入徑山

徑山何綿延雙澗渡超忽驚波濺車帷水際出復沒行
完桑柘徑對面一峯竦青看匝眉宇寒已沁肌骨寥寥
踈梅花霜霰尙零屑僧房空翠裏鐘響已清徹遙徑尙
百盤奔流更層折三千樓閣虛荒龕且依佛

更生齋詩續集卷四

六

天然菴

且倩閒僧爲煮茶朝饑我自飯胡麻挂枝鵲瞰孤行客
逆水魚吞乍落花人與野雲同去住山浮初日最清華
居然古寺藏巖腹千尺琅玕路幾叉

徑山道中雜詩

危厓絕巘路鈎連
楚竹扶人欲上天
莫笑滄溟一杯水
蓬萊山頂亦桑田

夾道松篁路更微
遙天空翠拍人衣
山禽夢破客仍睡
十里野梅香四飛

東坡居士題詩後一一公然入畫圖
大好山川畱副本

餘杭赤壁頴西湖

梅谷菴有小赤壁

松源梅谷道微通舊夢如塵掃欲空畱得長明燈一盞
三千樓閣劫灰中

徑山憇半山亭復五里至山頂

初日欲下山幽篁欲升嶺籃輿千百折送客入智井危
亭亘半山五里及峯頂僣從思後却老衲復前請烏道
旣已微猿聲若相警疲蹤暫思憇悍石齊欲挺石火敲
地爐風泉瀾山茗蹤迷前代古候覺蚤春永冥濛開絕
巘厯落門奇景俯視天目山天風振衣領
自輿聖寺至松源久憇

橫松旣已完直栢忽截路排空三百本一向天拄甯

更盡齋續集卷四

七

惟栢猗猗棲栢鴿亦怒峯奇雲欲門谷秀嶺仍妒澗斷
忽合流途岐復分布青纏猿狖迹紅集禽鳥唳霜霰色
淺深樓臺影交互高低皆聳榦向背之雜樹空青迷去
目曠黑怵回步却望凌霄峯冥濛障空霧

徑山回復沿南湖至洞霄宮

洞霄宮闕凌霄峯面面盡與三霄通黃冠緇衲各有界
道釋分占山當中茫茫地肺連天目復有湖腰瀉山腹
閒尋道士光庭記名冠洞天三十六錢唐江底地脈連
水外時復飛雲煙仙人棋局偶亦有種杏種橘都成田
洞中有洞誰能識地底華陽天厯厯金堂玉室客不歸
或者人間尙遷謫丹爐細火搖春風發燄竟比桃花紅

青童五百遞相守跨崔時到浮邱公浮生住世甯多日
龍亦三番蛻皮骨丹砂黃獨我不餐肯學頑仙久偷活
入九鎖山望天柱峯

蒼蒼九層山百步卽一鑰每于山折處石勢益刻削飛
泉四邊注時復跨畧徠傑閣旣上騫回峯乃前卻千花
超屋放一隼出林掠陰霰漸已消陽曦始於爍天南惟
一柱地脈覺微弱滄溟復奔瀉日夜嚙山腳感此東逝
波滔滔我何著浮生慙志父祈死感叔媿放艇明日歸
空留後來約

入大滌洞半里許觀宋人題名

洞上承九霄洞下蟠九州豈惟雲霞濃亦滙江海流我
來大滌山耽此洞壑幽玲瓏萬竅中石頂平四周懸空
三折虛直下半里修暗響來不窮靈蹤去難按惟巢古
仙人百怪用敢投窾仄天路通潭虛地輪浮忽覺萬古
奇集此盈寸眸金堂杳難攀石墨偶亦留何嘗滌塵凡
酌此雲半甌

洞霄宮謁蘇文忠李忠定公祠

兵燹銷殘竹柏林無塵遺跡偶披尋石泉榆火春來咏
玉宇瓊樓醉後吟再造乾坤原有力罷閒宮觀究何心
二賢一體同樽俎蘇李河梁此嗣音

爲張大令題所撫唐韓幹畫駒騅馬

人枝指多識馬枝蹄多力枝蹄枝指都不凡人亦更駕

馬脫銜我友張亥白張柳門

元本存柳門處此軸係薛亥白所撫贈大令者

塘大令稱族昆分樞一匹韓幹馬疑元疑宋疑唐人君不見騏駼駒駘識者寡我憶投荒跨天馬烏孫之北大宛東寥廓萬里生長風

二十日同人為白文公生日設祀因小集湖上作

疎蕪初花草未茵奠公剛及二分春文名偶並元才子詩諫吾欽白舍人大厯體裁輪後輩永貞朝事感孤臣

到今誰續循良蹟湖上驚飛清淺塵

時白堤外湖水半淤急須疏濬

自烏鎮迂道五里訪鮑處士廷博賦贈

草堂茗水上五里不愁迂充屋

賜書富開厨粒米

虛乍痊拋藥裏奇窘蓄鈔胥軻轍他年傳應同孟子居

更生齋詩續集卷四

九

子部偏同史編排二十三

時知不足齋叢書已刊至二十三集

榻前無客

到久病君已窗外有雞談處士元仍素諸生青出藍以君方

孝緒前詰定蒙慙

回舟至支硎山訪寒石僧并聞鄧尉花事正盛喜而有

作

臨安花乍落鄧尉正花開氣候江南晚遊人湖上回世情參老衲心事證孤梅復有支硎約相將坐石臺

自天平後山度嶺至蓮華洞

已遵千峯頭峯頂石復立排空諸幻相作勢與雲及山

雲驚客到修爾巖竇入東風吹未徧臘雪徑猶濕枯僧

行谷底時有墮薪拾嶺半一樹梅高枝野禽集坐久甫

下山亭亭日如笠

中白雲寺久懃

行徑一葉舟風勢忽回旋吹客入一莽巖雲正凌亂聞
聲人不見招手雲外喚僧枯同植木削立巖石畔爲言
遊客少經日斷煙爨朝飢殊可忍振筆學蟲篆

僧曰峯善書

一牖闕向南臨池目仍眩呼童烹山茶風爐竹中爇

峯頂

一石名
一葉舟

見山樓小集共得杭字韻

不斷茅菴內生香與妙香滿簷舒凍萼一架蕊都梁雨
滴前宵綠花餘隔歲黃

時黃梅尚開

無嫌香味少春酒餉餘

杭

更生齋詩續卷四

十

探梅先至香雪海待同人久不至

春光艷艷春花放香氣熏人百千丈花光作雪雪作雲
一片冥濛盪波上十分花事今八分春曉尙少看花人
年年花放客先到花下已有春人墳千花作街隨花轉
人欲上山花不管花梢望客客未來十里延回花路遠
鄧尉看梅雜詩

廿三宵雨正迢迢捲幕清光入砌坳要與高人助高格

四更山月颺花梢

萬株綠萼間青松小白長紅復數重攜得筇鞋才破曙
雲光濃遜露光濃

湖外冥濛曉色開萬花深處暫徘徊何愁花底眠難醒

天半松濤刮夢來

東西南北影交加花裏驚看路幾叉紅葢積冠剛一寸
明朝都放帽檐花

疎林黃葉路漫漫歷盡湖頭磴百盤除却溪梅與山鵲
無人知道早春寒

東西二十幾坡陀補種桑麻補插禾

近歲土人種桑者多故花事稍殺

明歲來遊要三月采桑人比看花多

鄧尉看梅歌偕鈕山人樹玉徐明經雲路孫上舍

董博士國華戴上舍延祿僧寒石同賦共得潭字韻

看花不到東西潭

潭東潭西花事最盛

無異半道先停驂驚魚澗

古近亦燼鱗翼何地容驕憨我於天地亦一物半世容

更生齋詩集卷四

十一

我留書函神仙之字已三食羽化早異蠹與蟬周行海
宇亦幾徧窮止岱華兼峭岫看花奇福更難及歲歲我
住支硎菴看花始放及初盛佛與同坐僧同龕有時靜
領花氣息研北不住居花南衰年豈復有他嗜積此花
癖因成貪花前酌酒酒始酣俊味往往承分甘餘杭新
筍洞庭橘西蠡蓴菜東臺蚶三更酒倦畏酒渴已剖三
百箇中柑支硎光福及元墓十年花路我始諳花前曲
折浸湖水花外歷落浮晴嵐東西何止作花海此地近
亦饒桑蠶重來更約月二三天作卵色湖拖藍桃花李
花葢已舍新柳拂水行甦甦龍孫滿篋魚滿籃世外復
覓高人談君不見春愁我已不敢擔看花人老花先慙

題支硎山袁氏園亭

一谷雲一樓月一塢梅花一溪雪洞天福地客始歸暖
翠晴嵐住多日

回里後卷施閣看梅作

西崦梅開已後時故鄉仍比崦中遲萬花堆裏歸來日
才見墻頭一兩枝

二月初四日將解維楊兵備燁復約至城北歷遊放生

池及水雲菴至日暝乃返

座中客爲趙司馬昆仲
楊秀才謹吉汪上舍壽

河干暫歇上河船城北猶留半日緣交舊五人青鬢改
軒窗三面紫雲穿狂攜筆硯題凡鳥

是日就近訪友人
不值因命奴子輩

至城頭放紙鳶老逐兒童放紙鳶尙有玉梅迎客語欲從此地

證空禪

更生齋詩壘卷四

七

自北樓至南樓道中

谿山新雨後風物最清華行過數條巷時浮一樹花水
邊樓百尺竹外徑三义節候今年早春人已采茶

寒食花下獨酌

是處風風雨雨滿城燕燕鶯鶯昨夜今宵來夕花朝寒

食清明

依舊敬亭山色夜深來映書幃我憶青蓮居士青蓮又

憶元暉

古艷詞

郎憐心妾憐織花連晨月連夕顏如芝蘭口如杜薄媚

未完仍薄怒

歡欲來紅墻隱黃梅歡欲去青天飛墨雨西廊斜日東廊月百計問歡何處匿

清明日同人登城望宛谿鼇峯并至南樓作

清明前日是花朝一萬人家折柳條從此東風已無力

落殘文杏落天桃

濛濛新綠膩城墻城裏花紅城外黃不斷菜花三四里菜花完處接斜陽

高低人柳門腰身百尺樓前絕點塵一半柳絲牽客住又分一半逐春人

寒食年年罷出遊靡蕪綠已上墻頭何妨花裏扃門住

更生齋續集卷四

三

紫燕春人共一樓

同人登賓月閣小集

四檐插入景德寺一桁正對麻姑山眼前俗客不到處

天上月華來歎關浴梯斷續駁青蘚隔巷曲折排紅闌

酒人春半忽惆悵兩樹白玉花初殘

時玉蘭花甫謝

張秀才垣以其祖司馬汝霖西阪草堂集屬題時余適

承修府志欲從草堂假書遂并及之

我從南樓回不向北樓走閒從阪東頭歷及阪西口阪

西草堂高接天萬卷圖書四圍柳四圍楊柳花千株主

人樓頭方著書主人兄弟今碩儒

司馬合嗣爲侍講盡徵君炯

弟客

燕趙兄姑蘇一樓書已傳三世鼇嶺復從樓上峙開門

觴客客不辭客識主人前代事國師既爾求方言太常
亦復借說文况我曾及成都門

余爲侍講
門下門生

不爲侯芭定

劉棻一甌來借同討論欲訪載籍求根源庶幾鄭小同
不愧康成孫庶幾戴延君不愧博士昆繙書手冷酒急
温一花前頭酒一尊君不見樓頭萬卷樓下人牙籤玉
軸烘曉暉我書在腹亦可捫此客借書君莫嗔

上已前一日載酒從宛溪舟行登響山久憩

南樓望茲山近若歇肩睫及繞宛水行谿紆徑難涉清
川流如油赤壁立若篔簹浴波施輕篙到岸振響屨居然
升雲頭偶亦陷石脅攀松爭步迅舉酒門拳捷關心舊
猿窠過眼驚蛟蝶如何半春樹尙墮隔年葉南瞻浩無

更生壽壘集卷四

十四

際北望阻城堞十里菜甲花新黃與天貼

十一日泊舟沙棠灣行五里至敬亭山久憩翠雲菴作
泊舟沙棠灣五里臻曲屈一坡方透迤面復一坡突懸
藤巖豸縊出罅砌蟲活嫩紫跳澗垂輕黃冒波鬻人疲
來殿朶烏倦啼木末語默甫歷時陰晴變殊忽東軒猛
飛雨西牖已斜日駒隙影乍舒仍遭電光奪瞻西岡忽
破蹶北路如截稜稜萬檐瓦雉堞若居穴一晌西北風
遙驚塔鈴掣

敬亭道中

秧已抽針麥乍茁花枝全脫草心香紫藤故挽遊山屐
紅袖偏登選佛場六代山川餘浩渺七賢祠廟太荒涼

憑闌弔古情何限坐看平岡下牧羊

七賢祠題壁

俗士不讀書前賢亦移代勳階仍不識云以代官位緬

憶李仲都于焉發深慨七賢祠栗主書謝朓為晉人其他官位舛錯者不一而足用以

志

三月十五日凌教授廷堪約同人南樓小集酒半率賦

卽贈江上舍藩

半春花事已闌珊且向高齋款客關一晌乍青原上雨

萬堆濃綠座中山愁邊宛水偏迢遞世外閒人偶往還

醉倚闌干望東海賊氛何日淨臺灣時聞江浙官兵至臺灣會勦洋匪蔡

牽

十六日集賓月閣餞江上舍藩

賓月樓頭月是賓主人除我恐無人貧交又放邗江棹

小住同垂宛水綸紅豆一株傳絕學君為惠紅豆再傳弟子黃花

十里颺殘春著書匡阜他年約瀑布香爐共此身

雨中入南湖口

一萬頃湖來枕上兩三點雨落牀頭捷帆險壁鷺肩過

空翠欲從鴉背收人與魚龍爭定界我同天地恍浮漚

著書匝月低眉坐且借舟行豁遠眸

夜宿南湖起眺殘月

漏盡曾無戍鼓敲濛濛月黑雨瀟瀟殘更一鳥獨啼樹

新漲萬魚爭出橋客夢似煙篷底散神燈作炬浪中飄

南江舊迹沉埋甚欲勘方書燭已銷

南湖道中雜詩

尙留幾日好春光出郭登舟攬勝忙敢與衰翁鬢爭白
茶蘚輕薄柳花狂

暫把篷窗一扇開山山色併飛來團團湖水明如玉

却與麻姑作鏡臺

湖與麻姑
山咫尺

并州快翦亦徒勞嫩綠何須翦子拋只要一雙梁上燕
翦他三萬頃湖梢

沿堤松竹影濛濛過盡千重復萬重一色乾坤作新綠
山光微淡水光濃

挂帆剛欲趁清晨一葉驚飛草上塵只有鷺絲心地險

挾波來嚇盪舟人

更生齋續集卷四

六

殘春猶剩一分寒湖雨湖風景色酸正是把書新睡起
一峯晴翠落眉端

縱有防兵演水師黃池未是古黃池何應草木形如鬥
絕似黃池爭長時

疎籬茅屋幾人家屋上齊攤穀雨茶貪采半畦新豆莢

攔門牛噉紫藤花

昨傳

昨傳節使跨青驄幾日星馳浙水東預遣偏師平遠僕

正欣小麥熟空同連山社合防沙仔

仔閩音
讀作子

入峽舟須

泊海翁畢竟

聖朝威德遠半春先已息颶風

呂大令榮以二詩見寄率占一首答之

我從瀚海穿沙海君罷樅陽客廣陽君前宰桐城以母夫人憂離任貧不獲歸今尚留

試問耿恭馳異域何如朱邑宦桐鄉外家滯宜太間

三徑全應圯老屋雙橋半亦荒余與君皆將氏甥又同居中河橋側委巷中

自笑暮年仍遠客賣文纔了著書忙

四月初二日將赴琴溪以急雨復回先柬琴溪諸友

欄干千尺雨仍復閉門居擾擾風生翼洶洶地出魚漏

仍聽四下功不廢三餘只惜琴谿上諸君望眼虛

馬州倅日恒築數楹山半其前卽龍山萬頃竹也余故

以綠天名之并係以詩

更生齋詩續集卷四

七

白馬迎人出樹巔未至縣界馬君已跨馬來迎不知家在夕陽邊四

山入夢都紅雨一閣爲君署綠天竹舫偶開人外境

鞋我亦地行仙坐憑百尺闌干好花與諸郎並及肩

自龍山口放槎入琴溪五里至巖窰洞作

碧鷄驚客夢岳山有異鳥土人名爲碧雞常往來龍山及巖窰洞間夢落雲頭重

浮槎五里訪碧雞胡蝶先已成團飛春溪水滿浮鷗鷺

綠竹裊裊巢鳧鷺山光壓竹竹壓谿軟翠十里何低迷

竹梢沉沉忽疑夜一晌天青出山罅嵐光何止衫袖濃

坐久須眉綠都借僧維三兩挽客槎手汲谿水烹谿茶

屋外尙有殘春花下波如風上波逆却好兩槎浮入客

逆浪一灘高一尺雲頭喚客客不聞客正鼓浪來雲根

雲脚開處排清樽洞橋十二何周匝馬足險從人頂踏
放槎跨馬趁晚風馬上夢落琴溪東

琴溪道中

忽與忽馬忽乘槎十里驚看路百丈鷓鴣夢邊偷過客
鷺絲肩上悄飛花浮生偶入仙人港小坐閒烹衲子茶
綠酒滿前慵不飲修真都欲飯胡麻

巖籠洞久憩

非沙非石非黃埃百萬石卵融胚胎鴻濛土與劫後灰
媧手一一親搏來空穹服翼倚作隈陷處卽係蛟龍堆
陰厓仙果仍纍纍枇杷橘柚李梅小如鷺粟大芋魁
楫柁欲把山柴煨古洞天黑如煤泉尋幽復恐去不回

更生齋詩續集卷四

六

白晝誰把泉扃鎖我謂洞天福地徧九垓獨此幽隱遭
疑猜有潭如釜水若杯裹以太古之莓苔神仙避劫人
避灾天網到此誠恢恢重扃時響九地雷細路畧可通
蓬萊如山有塿土有坏獨此可以藏三才君不見洵洵
隆隆地欲推混混沌沌天之胚形骸土木任衆哈七竅
慎勿爲君開

抵涇川作

涇川風物水西東萬樹桃花入夢中却笑謫仙來較晚
滿川桃實已全紅

桑柘陰中拓八窗危亭三面水淙淙夢從西海歸東海
閒向南江憶北江

宜城主簿郭蘭芬岐山人也自言其鄉新修五丈原諸葛忠武祠乞爲一詩余因憶乙巳年春曾親謁祠下今忽忽二十餘年矣感賦一篇卽示郭君

五丈原高氣杳冥三分國勢費調停地形縱復輪中夏天象居然見大星丙魏尙慙眞宰相孫曹同媿小朝廷

茫茫川阜仍如昔渭水蒼涼太乙青

翟孝子詩

翟孝子名彩令涇縣水東人早失母獨與父居父龔且痼疾孝子乞食以養間亦賣菜以資生計父膳必竭力備甘脆而自啖糠覈乞食餘一錢二錢亦必以呈父父則緘置筐中父以壽卒啟篋則積錢已三十餘貫孝子居父喪曲盡哀禮免喪遂卒

更生齋續卷四

九

賣菜傭迺能孝士大夫皆不能到一錢二錢乞得來父以緘笥牀頭堆三十餘貫何纍纍翟孝子名彩令父亾乃亾斯正命桃花潭上桃花墩桃花都繞孝子墳我詩不妄作冀以扶人倫

國典他日仍旌門

友人屬題燕子賤樂府

一曲新詞勝秣陵

吳祭酒偉業有秣陵秋樂府

朱絲闌子寫吳綾

鉞以吳綾界朱絲闌寫自所爲燕子箋曲本進呈

何應王謝堂前燕亦與人閒

管廢興

千年往事尙回頭粉子先蒙伯起羞一樣被他輕薄累

好將遺恨訴東流

飯後讀書作

架有圖書廩有糧
暮年偏覺校讐忙
學知不足心知足
此是先生却老方

積雨乍霽

天半雲頭落人間
雨腳收浴梯一條
薜綠已上危樓

詠史

百歲知無幾
千回碧月圓
夜遊如秉燭
先入辟疆園
元子雖英物
甯如賈德郎
何應八州督
祇易一羝羊
陶潛與張翰
分候詠黃花
倘斫鱸魚膾
先尋賣酒家
一呼一息間
天已行數度
地輪日月輪
皆在空中駐

更生齋續集卷四

三

龍戰苦不息
釣鼈東海濱
丈夫伸脚睡
天上動星辰
樸學兼詞章
宏農美無度
注罷山海經
仍能作江賦
十五日同人遊水西
久憇煙雨亭

涇溪接賞溪
天水雲外綠
挈得幕山僧
來尋賞溪曲
筇

河學士新安守

謂壬辰夏偕朱學士
鈞江太守始遊此

三十年前一杯酒

言尋舊路忽已迷
惟有溪煙向東走
山僧纔打日昃鐘
星點已出涇川東
半山斜陽半山晦
月上琴高鯉魚背
湖山謁桓簡公祠
并留飲祠側

劉刁周戴禍隨身
死國誰如桓茂倫
兩地煙雲埋骨久

宣城涇縣
皆有公墓

此間邱壑賞心真
酒徒脫畧偏容我
山色嶽

峩解笑人猶有舊
交君憶否西風先
起庾公塵

十六日沈二尹

國祥

招同人水心亭讌集卽席率賦

正月已醺湖心亭水心此亭今復到一春日日苦著書
一日得閒先醉倒主人喜值休文雅衆客須防孟威虢
黃鸝聲脆知迎客白鷺足拳能引道已欣翠巘十日晴
復有紅霞半天冒笙簧合遣官蛙代更漏仍憑夜烏報
閒時聊可盍朋簪豐歲不須憂早潦者英未集容箕踞
觴政旣嚴難鼓諫何因咄嗟便布席或者牲牢先祀竈
辛盤果敵葺桂辣丙穴魚須藻芹芼銜杯欲使魴鯉覩
剩肉預防鷹隼盜甄長伯倒半夜屣孟萬年吹九日帽
隨波欲逐浮家陸結棧思追盪舟鼻于廷尉醉仍蘊藉
蓋司隸醒偏兀傲朱虛使爾用軍法徐邈先爲製各號

東生齋續集卷四

五

撼山軍勢已比崑背水陣形先植纛餘歡尙欲催射覆

湖典更能接僻奧齋期誰肯恕周卿閭政何須哂陳慥

回波柁檣裴嘲李揮塵車轅謨譎導觴多欲逼小戶遁

瓶罄私聞大奴告主須戒鄧客戒陽

時坐客乘醉欲開入主人內室並互

以闕政相嘲故戲及之 禪合各鄙鼎名部最難北海樽常滿

後日趙司訓紹祖復約于此小集

從此南州酒全秬扃門明日復著書好學

應節武公耄

卷外卽驛道

十九日同人遊幕山并久憇圓通菴作

已覺詩情逗郭東石橋三里路斜通兩山四面裏濃綠

一巷六時飛軟紅古殿神光河閃爍小窗竹影自瓊瓏

閉門坐臥煙霞內轉使雛僧畫筆工

僧非台能畫

考坑長春寺僧巖石自繪巖關古寺圖屬題

長春寺有千竿竹日判三竿飽饑腹山僧煮筍雲上頭
雲采一一驚分流怒龍總向檐前挂玩久山僧亦工畫
忽然邀我吟巖關餉我一幅門前山君不見牽船住岸
原非計竟欲家從畫中寄惟嫌雲破屋欲飛爲我屋外
添魚磯

遊城南道士湖

道士湖頭路冥濛百頃田赤浮原上日青織水西煙地

勢疑回踵

湖形與山陰回踵湖同

樓形晒及肩趙氏築樓湖上高不出屋無由眺遠

也商量早秋欲來及采新蓮與章徵君天有約新秋當攜酒飲此

三十日早發吳家灣

更生齋詩續集卷四

圭

臥聞人語出蓬蒿三百人家在水均
鷓鴣鷺絲飛不斷日華濃處爨煙高

贈馬文學春田卽東姚北部孺

疊嶂樓前識面時擁書千卷出偏遲言皆有物曾耽易
旁若無人祇諷詩幾縷鬢絲江水濯一生心事院公知
何時又放秦淮棹我欲因君寄所思

